



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-775-9.1/23
Sarajevo, 28.08.2023. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik Bosne i Hercegovine", broj 39/14 i 59/22), člana 8. stav (2) tačka d) Pravilnika o uspostavljanju i radu komisije za nabavke ("Službeni glasnik Bosne i Hercegovine", broj 103/14) na Preporuku Komisija za nabavku, broj: 06-11-775-6.1/23 od 25.08.2023. godine, a vezano za Rješenje Kantonalne uprave civilne zaštite Kantona Sarajevo, broj: 06-11-775-14/23 od 28.07.2023. godine u postupku javne nabavke roba: u postupku javne nabavke roba: "Industrijska mašina za veš", direktor Kantonalne uprave civilne zaštite Kantona Sarajevo, *d o n o s i*

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku, broj: 06-11-775-6.1/23 od 25.08.2023. godine i ugovor o nabavci roba: "Industrijska mašina za veš", dodjeljuje se izabranom ponuđaču, ELDA LUX d.o.o., ul. Kozarska br. 19, 78250 Laktaši, za ponuđenu cijenu u iznosu od 73.000,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) do d) Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na internet stranici Kantonalne uprave civilne zaštite Kantona Sarajevo (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom budžeta Kantona Sarajevo.

Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke roba: "Industrijska mašina za veš" pokrenut je Odlukom o pokretanju postupka javne nabavke broj: 06-11-775/23 od 05.06.2023. godine.

Javna nabavka roba: "Industrijska mašina za veš" je provedena putem Otvorenog postupka javne nabavke, postavljanjem TD na Portal javnih nabavki i provođenjem e-aukcije.

Procijenjena vrijednost javne nabavke (bez uključenog PDV-a) je do 73.500,00 KM. Obavještenje o nabavci je objavljeno na Portalu javnih nabavki broj: 282-1-1-61-3-27/23, dana 08.06.2023. godine.

Komisija za nabavku, imenovana je Odlukom broj: 06-11-779-1/23 od 06.05.2023. godine.

Komisija za javnu nabavku je nakon ponovnog pregleda i ocjene ponuda te Rješenja broj: 06-11-775-14/23 od 28.07.2023. godine o djelimičnom usvajanju žalbe ponuđača Elda Lux d.o.o., dostavila direktoru Zapisnik o ponovnom pregledu i ocjeni ponuda broj: 06-11-775-5.2/23 od 26.07.2023. godine, Preporuku o izboru najpovoljnijeg ponuđača broj: 06-11-775-6.1/23 od 25.08.2023. godine i Izvještaj o radu broj: 06-11-775-7.1/23 od 25.08.2023. godine, u postupku javne nabavke industrijske mašine za veš, a prema specifikaciji iz TD.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku ukupno zaprimljene tri ponude,
- da je blagovremeno zaprimljeno tri ponude,
- da nije bilo neblagovremeno dostavljenih ponuda,
- da ponude ponuđača: ELDA LUX d.o.o. i ARTIKA d.o.o. ispunjavaju kvalifikacione uslove za učešće na e-aukciji,
- da ponuđač ALPER GROUP d.o.o. nije ispunio uslove u skladu sa zahtjevom iz tačke 3.3 TD, odnosno nije dostavio katalog sa prospektima i slikama, te ne zadovoljava uslove iz tačke 7. tehničke specifikacije (ukupna el. priključna vrijednost), tačke 15. (masa stroja) i tačke 20. dimenzije stroja,
- da je dana 10.07.2023. godine održana je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 66/16), o čemu je Službenik za nabavke dostavio Komisiji generisani Izvještaj o toku i završetku e-aukcije,
- da je ponuđač ARTIKA d.o.o. bio prvorangirani nakon provedene e-aukcije,
- da je Komisija donijela Odluku o izboru najpovoljnijeg ponuđača, broj: 06-11-775-9/23 od 11.07.2023. godine kojom je ponuđač ARTIKA d.o.o. odabran kao najpovoljniji ponuđač,
- da je ugovorni organ 24.07.2023. godine zaprimio žalbu od strane ponuđača "ELDA LUX" d.o.o. na gore navedenu Odluku o izboru najpovoljnijeg ponuđača,
- da je Komisija pristupila ponovnom pregledu i ocjeni ponuda o čemu je sastavila novi Zapisnik u kojem je konstatovala da je žalba ponuđača "ELDA LUX" d.o.o. djelimično osnovana,
- da ponuđač ARTIKA d.o.o. nije dostavio uvjerljive dokaze za koje se može bez ikakve sumnje potvrditi da je ponuđena mašina u skladu sa traženim karakteristikama,

- da je ponuda ponuđača Elda Lux d.o.o. jedina kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija ponovnim pregledom i ocjenom ponuda ispravila svoju grešku načinjenu prilikom prvobitne evaluacije ponuda, te da je pravilno i potpuno izvršila ponovnu ocjenu kvalifikovanosti ponuđača, u skladu sa kriterijem iz tenderske dokumentacije.

Iz navedenih razloga, primjenom člana 64. stav (1) tačka b) i člana 70. st. (1), (3) i (6) ZJN, te člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“ broj: 103/14), odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



Dostavljeno:

- Svim ponuđačima
- Sektoru za ekonomske poslove KUCZ KS
- Ministarstvo finansija Kantona Sarajevo
- a/a

